

ՎԱՀԱՆ ԹԵՐԵԿՅԱՆԻ ԱՏԵՂԾԱԳՈՐԾԱԿԱՆ ՈՒՂՈՎ

ԿՐԻՒՄՈՐԾԱՆ

Անցյալ դարի վերջին տասնամյակը արեւմտահայ գրականության համար նշանավորվեց բանաստեղծների մի փայլուն սերնդի հրապարակ գալով: Ռուբեն Որբեյան, Վահան Թերեկյան, Դանիել Վարուժան, Միսաք Մեծարենց—այս այն տիրական անունները, որ արեւմտահայ հեղափոխականների ժամանակների բանաստեղծության փառապատկան են կազմում: Այդ սերնդի մեջ առանձնահատուկ տեղ է զբաղում Վահան Թերեկյանը: Նա նախ ապրեց ստեղծագործական և քաղաքական հայացքների շատ բարդ ու հակասական զարգացում, ապա, ի տարրերություն իր տարաբախտ զրկակից ընկերների, փրկվեց ապրիլյան մեծ եղեռնից, ապրեց մինչև խոր ծերություն, թեպետ հեռվից, սակայն տեսավ և ողորմեց իր հայրենիքի վերածնունդը:

Իր ստեղծագործության ընդամենը կողմերով կապված ժամանակի դրական սերնդի հետ, հեռագալում նա ապրեց ստեղծագործական և քաղաքական հայացքների շատ հետաքրքիր էվոլյուցիա: Գրական գործունեությունը Վահան Թերեկյանն սկսեց որպես բուրժուական մտայնության և ղեկաղնեական արվեստի կարկառուն ներկայացուցիչ: Իր բանաստեղծություններում նա տուրք տվեց այն ժամանակ ժողովայական գրականության անհատապաշտական ուղղություններին: Արտահայտեց մենակության, տրտմության, գաղտնիության, անհուստության, միատիպականության, երբեմն նաև ընդդժմած ազգայնական տրամադրություններ: Կյանքի վերջին տարիներին, սակայն, նա կարողացավ ոչ միայն հաղթահարել ղեկաղնեական գրականության իրեն կաշկանդող այդ շղթաները, այլև հայտնաբերեց, թե՛ ժողովային մի լուսնունիտ ալ ես եմ և հարց ստեղծագործական աղբյուրին՝ կյանքին և նրա առաջադեմ գաղափարներին, որը նրան դուրս բերեց ռևալյուսիոնական երկեր ստեղծելու ճանապարհ: Վահան Թերեկյանի ստեղծագործության բարդ ու հակասական բնույթը լիարժեքաց, որպեսզի նա կարողանա ճիշտ գնահատել Հոկտեմբերյան սոցիալիստական Մեծ ռեֆուլյուցիայի բախտորոշ զերը հայ ժողովրդի ճակատագրի համար և դառնալ իր երիտասարդ Սովետական Հայրենիքի ամենաշերմեռանդ կողմնակիցներից ու պաշտպաններից մեկը:

1

Վահան Թերեկյանը ծնվել է 1878 թվականի հունվարի 21-ին (ինն տոմարով), Կ. Պոլսի Օրբադուլ կոչվող արաբաձանում, Կեսարիայից դալթած առևտրականի ընտանիքում, նախնական կրթությունը ստացել է նույն քաղաքում, նախ Ներսիսյան վարժարանում, ապա հաճախել է Պերպերյան և Ազգային Կենտրոնական վարժարանները: 1894 թվականին դուրս է դալիս Կենտրոնական վարժարանի չորրորդ դասարանից և ստանձնում գրագրի պաշտոն: 1896 թվականին մեկնում է Լոնդոն, ուր մի րանի տարի մնալուց հետո, չաքորդարար անցնում է Մարսի, Հոլանդիա, Եդիպտոս: 1903 լիպպարս Դյորսագրիալում սկսում է հրատարակել «Երիտկ» գրական ամսաթերթը, որի վերահրատարակությունը 1909 թվականից շարունակում է Կ. Պոլսում: Առաջին համաշխարհային պատերազմի տարիներին Քուրդիայի սահմաններից գուրս գտնվելով, նա պատահամբ փրկվում է ազրիլյան մեծ եղեռնից: 1920 թվականից նորից հաստատվում է Կ. Պոլսում, ուր սկսում է հրատարակել «Ժողովրդի ձայն» թերթը: Այնուհետև անցնում է Բուլղարիա, Հունաստան, Միսիա, Եդիպտոս և վերջնականապես հաստատվում Կահիրեում: Այդ տարիներին խմբագրում է նաև Բելլուսի «Ջուրթոն», ապա Կահիրեի «Արև» թերթերը: Եղել է նաև ուսուցիչ և տնօրեն՝ գաղական հայկական դպրոցներում:

Վահան Թեքեյանը մեռավ 1945 թվականի ապրիլի 4-ին, թաղված է Կահիրեի հայոց գեղեմանատանը՝ Արփիար Արփիարյանի և Երվանդ Օտյանի կողքին:

Վահան Թեքեյանը եղել է նաև աչքի ընկնող հասարակական գործիչ: Իր քաղաքական հայացքներով նա նախ հարել է Հնչակյան պարտիային, ապա «Վերակազմյալ հնչակյան» ուղղությանը, իսկ 1909 թ. եղել է Ռամկավար-Ազատական պարտիայի գործոն անդամներից մեկը: Թեքեյան իր քաղաքական դործունեության ընթացքում ունեցել է հակասություններ, խարխալել բուրժուական լիբերալիզմի սահմանափակ մտածողության շրջանակներում, սակայն եղել է հետևողական հակադաշնակցական, մերկացրել է այդ պարտիայի հակաժողովրդական գործունեությունը:

Վահան Թեքեյանը գրել սկսել է շատ վաղ հասակից՝ 1893 թվականից: Երբ տակավին սասնվեց տարեկան էր, 1894 թվականին, Կ. Պոլսի «Հայրենիք» օրաթերթում տպագրվեց նրա առաջին արձակ գործը՝ «Ապագանը Կեսարիո մեջ», իսկ 1895 թ. Արշակ Չոպանյանի հրատարակած «Մարդիկ» հանգեսում տպագրվում է նրա առաջին՝ «Մովեզերքի վրա» արձակ բանաստեղծությունը:

1901 թ. Փարիզում լույս տեսավ նրա բանաստեղծությունների անդրանիկ ժողովածուն՝ «Հոգեր» խորագրով: Այնուհետև նա հրատարակել է «Հրաշալի հարություն» (1914), «Կեսդիշերեն մինչև արշալույս» (1919), «Սեր» (1933), «Հայերգություն» (1943) և «Տաղարան» (1945): Ունի նաև արձակ՝ վիպական և դրամատիկական գործեր ու պատմվածքներ: Սակայն կարևորն ու էականը նրա մեջ, իհարկե, բանաստեղծն է:

1943 թ. լույս տեսած «Հայերգություն» ժողովածուի մեջ ամփոփելով իր ստեղծագործական կյանքի տարբեր շրջաններում գրած հայրենասիրական բանաստեղծությունները՝ նա առաջաբանի մեջ գրում էր, որ այդ ժողովածուն կոչված է թարգմանը լինելու՝ «...Հայ ազգին կարճատենի մը մեջ ապրած հոգեկան աճումի և կորուստի, հրճվանքի և տառապանքի, հույսի, անհույսության և հետո դարձյալ հույսի բոլորովին անօրինակ, իրեն միայն հատուկ կյանքը ու միանգամայն արտահայտել ալ կյանքին ներշնչված, հոս արվեստ դարձած ողին»:

Այդ կյանքը, որի ոգին արտահայտելու էր կոչված իր ստեղծագործությունը, նա բաժանում է չորս շրջանի, որոնք համապատասխանում են նաև իր ստեղծագործական զարգացման շրջաններին: Ահա այդ շրջանները, ըստ Թեքեյանի դասավորման և բնութագրման. «Առաջին՝ 1900—են 1908, բռնապետության դեմ մաքառումի և հույսի շրջան, երկրորդ՝ 1908—են 1915, հարաբերական խաղաղության, բայց և վրդովումի և վերհիշումի շրջան, երրորդ՝ 1916—են 1922 և ավելի վերջը, բայցայն և անգոր մոլուցքի շրջան, ու չորրորդը՝ 1922—են առաջ սկսած և մինչև այսօր շարունակվող. տրամության զուգահեռ՝ խանդավառության շրջան»²:

Փորձենք բնութագրել Վահան Թեքեյանի ստեղծագործության այդ տարբեր շրջանները՝ իրենց առանձնահատկություններով:

2

Վահան Թեքեյանի ստեղծագործության առաջին շրջանը համընկնում է այն ժամանակի հետ, երբ արևմտահայ գրականության մեջ լուրջ տեղաշարժեր են կատարվում: Նախորդ շրջանում ամբողջ գրականության ռոմանտիկ ուղղությանը, որը կտրված լինելով կյանքից ազատագրական պայքարի իսկական պաթոսը փոխաբերելով էր անցյալի իդեալականացման իլյուզիայով, փոխադրվելու էր դալիս գրականության ռեալիստական (իրապաշտ) այն ուղղությունը, որը զլխավորում էր «Մասիս» շաբաթաթերթի շուրջը խմբված գրական սերունդը Արփիար Արփիարյանի առաջնորդությամբ (Լևոն Բաշլյան, Գրիգոր Զոհրապ, Տիգրան Կամսարական, Հրանտ Ասատուր, Ռուբեն Որբերյան, Միպիլ և ուրիշներ):

Առաջագեծ գրողների այդ խումբը ձգտում էր գրականությունը կապել կյանքի հետ, ծառայելու կյանքի կենսաթրթի խնդիրներին: «Մասիս» շաբաթաթերթի 1892 թվականի հունվարի 4-ի խմբագրականը (այդ շրջանում խմբագիրը Դ. Զոհրապն էր) այդպես էլ ազդարարում էր. «Գրականությունը ժողովրդական կյանքին կրթվի՝ ժողովրդյան կյանքին ծառայելու համար»:

Թեքեյան ռեալիստական առաջագեծ այդ ուղղությունը կատարյալ հաղթանակ էր տանում արևմտահայ գրականության բոլոր բնագավառներում, սակայն արդեն ստեղծվում էին անհրաժեշտ նախադրյալներ նաև հետագիմական գրական նոր ուղղությունների առաջացման համար:

1 Վահան Թեքեյան, Հայերգություն, Կահիրե, 1943, էջ 5:

2 Նույն տեղում.

Արևմտյան Եվրոպյան արդեն թևակոխել էր իմպերիալիստական զարգացման իր փուլը, որն իր հետ պետք է բերեր նաև բուրժուական արվեստի վերջնական տրոհումը։ Հետադիմական ուժմանտիզմի տեղնող գրական ուղղությունը ինքն արդեն պիտի կյանքի կոչեր բուրժուա-ազնվականական մի շարք գեղագիտական գեղարվեստական «մոդեռն» ուղղություններ (ակմեիզմ, իմպրեսիոնիզմ, սիմվոլիզմ)։ Գրական այդ նորամույժ ուղղությունները պարզում էին մենոող հետադիմական ուժմանտիզմի դրոշը, զարգացնում նրա տեսությունը և ստեղծում էին յուրատեսակ «նեոուժմանտիզմի» պաշտամունք, որն իր հիմքում ուներ ծայրահեղորեն անկումային հակառակիստական բնույթ։

Գրական այդ նոր շարժումը շատ շուտով մեծ տարածում գտավ նաև Եվրոպայի այլ ժողովուրդների մոտ, այդ թվում նաև այն երկրներում, որտեղ կապիտալիստական հասարակական հարաբերությունները դեռ էին հասել զարգացման իմպերիալիստական աստիճանին, կամ ուր դեռ ոչոք գերիշխող դեր էին խաղում ֆեոդալական հարաբերությունների մնացուկները։ Խոսելով գրական այդ նոր ուղղությունների տարածման մասին ռուսական գրականության մեջ, Պլեխանովը բացատրում է, թե ինչպես փրիստիպական կամ գեղագիտական ուսմունքների տարածումը կարող է կանխել այս կամ այն երկրի հասարակական հարաբերությունների սխառմի զարգացումը, նա ցույց է տալիս, որ այդ ուղղությունների տարածման համար պարտադիր է, որ տվյալ երկրի անպայման ապրի հասարակական հարաբերությունների նույնպիսի անհում, ինչպիսին ապրում է այն երկիրը, որի պայմաններում ծնունդ են առել այդ ուղղությունները։ «Բնական թեև ուսումնական գեղագիտությունը, ստացալով անհրաժեշտ չափով չի կարող լրացատրվել մեր, այսպես ասած, բնութանական պատճառներով, սակայն այդ ոչ մի չափով չի փոխում նրա բնությունը։ Արևմուտքից մեր երկիրը ներմուծված՝ մեզ մոտ նա չի դադարում լինել այն, ինչ որ նա եղել է իր տանը՝ «գունատ անգործության» ծնունդ, որն ուղեկցում է այն դասակարգի անկմանը, որն այսօր իշխում է Արևմտյան Եվրոպայում»¹։

Նույն այդ երևույթը տեղի է ունենում նաև արևմտահայ գրականության մեջ։ Գտնվելով ֆրանսիական գրականության ուժեղ ազդեցության ոլորտում, նաև իր վրա կրում է իմպերիալիզմի դարաշրջանի բուրժուա-ազնվականական գրական անկումային ուղղությունների քայքայիչ ներգործությունը։ Գրական այդ նոր «մոդեռն» շարժումները բավական արագ տարածում են ստանում արևմտահայ գրական շրջանակներում, լրիվ ձևավորվելով որպես ինքնուրույն գրական ուղղություն, որին հետագայում Հ. Օշականը տվել է «տպավորապաշտ», «խորհրդապաշտ» կամ «գեղապաշտ» անունները։

Մեծ գեր էր խաղում այստեղ. մասնավորապես, այն հանգամանքը, որ սիմվոլիստները հատուկ ուշադրություն էին հատկացնում բանաստեղծական ձևերի կատարելագործմանն ու տուրապալիստական հարստացմանը, բանաստեղծական լեզվի նրբացմանը, որը հմայում էր իր երաժրշտականությամբ ու գրավչությամբ։

Հատկապես շատ ուժեղ էր սիմվոլիստական բանաստեղծական դպրոցի հիմնադիրների՝ Պ. Վեռլենի, Ս. Մալարմեի, Ա. Ռեմբոյի, Ժ. Մորիասի հմայքը։ Ֆրանսիական սիմվոլիզմը աչքի էր ընկնում իր երկու առանձնահատկությամբ, նախ՝ գեղեցիկի պաշտամունքով, այն, ինչ ամենից ավելի հմայում էր նրա հետևորդներին (այստեղից էլ ծագում է Հ. Օշականի՝ գեղապաշտ որակավորումը), և երկրորդ՝ անհատի պաշտամունքով, անհատապաշտությամբ։ Գրական այդ ուղղության տեսական արմատները բխում էին Ա. Շոպենհաուերի, է. Մախի սուբյեկտիվ-իդեալիստական փրիստիպությունից։ Հրաժարվելով ռեալիզմից և գրականության գեոկրատական տրագիցիաներից, սիմվոլիստները հանդես էին գալիս ծայրահեղ անհատապաշտության և միտիցիզմի քարոզով։ Պայքարելով մատերիալիստական գեղագիտության դեմ, որը խորապես համակված էր հանրությանը ծառայելու գաղափարներով, սիմվոլիստները վերականգնելով ռեալիզմի ուժմանտիզմի «արվեստի արվեստի համար» տեսությունը՝ իրականացնում էին արվեստի անջատումը կյանքից, և նրա մերձեցումը կրոնին։ Գրականությունը կտրել կյանքից, հեռանալ իրականությունից և թաղվել երազային խորհրդածությունների և վերացական զգայությունների աշխարհում — ահա, վերջին հաշվով, անկումային այդ ուղղությունների նպատակը։

Գրականության առաջագետն և հետագետն երկու ուղղությունների սրվող հակամարտության այդ պայմաններում են սկսվում Վահան Թևեքյանի գրական առաջին քայլերը։

Արևմտահայ գրականության աչքի ընկնող գեմքերից մի քանիսը արդեն որոշակի տուրք էին տալիս ֆրանսիական գրականության այդ նորահայտ ուղղություններին։ Լևոն Շանթը հան-

¹ Г. В. Плеханов, Искусство и литература, Москва, 1948. стр. 256.

դիսացավ այն առաջիններից մեկը. որ հրաժարվելով իր նախորդ շրջանի ռեալիստական-դեմոկրատական գործերի («Գուրսեցիները», «Մնաք բարովի իրիկունը» և այլն) առողջ տրագիգիստերից, սկսեց բռնել կյանքից կտրված սիմվոլիստական գրականության ուղին, կենդանի կյանքի զղացմանը նա հակադրում էր պատրանքը (թեև պատրանքը սիրեցիք)։ Իրական կյանքը փոխարինել գրքային վերացական կյանքով, իրական սերը երաղային սիրով, իրական հայրենիքը՝ պատրանակներ հայրենիքով.

Ինձի համար այն ժամերը թանկ եղան,
 Երբ ներշնչված ստեղծեցի՝ միշտ անդույ,
 Բայց անձնուրաց ազնիվ ղեմեր սիրեկան,
 Երբ իրական աշխարհին մեջ միշտ դժգոհ՝
 Իղևալի կյանքեն երգել ուղեցի,
 Ես պատրանքը սիրեցի՜։

Տակավին տասնութ տարեկան՝ Վահան Թեբեյանն իր անդրանիկ բանաստեղծություններից մեկն ուղղում է Սևո Շանթ, և նրա «Ես պատրանքը սիրեցիք» ծրագրային բանաստեղծությանը հակադրում է իր նույնքան ծրագրային՝ «Ես ցավը սիրեցիք» բանաստեղծությունը.

Որնա՞ծ օրես իսկ կուրծքս ցավ մը կա
 Հին ժառանգական ցավն հայրենիքիս,
 Եվ բանի անցյալ տարիներն երկար՝
 Վիշուն հոն վերք փորեց. և ըմբոստ հոգիս
 Մոռելիմամբ դիտեց՝ անդուր դրացի՝
 Իմ սրբտես հոսող բայունն տևական
 Պատրանքներ հաղար սրբտիս վրա ինկան
 Ու ճնշեցին.

Ես ցավը սիրեցի՜։

Պատրանքներից դեպի ցավալի իրական կյանքը վերադառնալու, գրականությունը կյանքին ծառայեցնելու կոչ էր այդ բանաստեղծությունը։

Դա Վահան Թեբեյանի վաղ շրջանի ստեղծագործության առաջին գիծն է, այն առանձնահատուկ գիծը, որ ղեռ դարձա սկզբին ճիշտ նկատելու ու նշելու էր ուսու աշխատավոր բանաստեղծ և գրականության տեսաբան, հայ գրականությանը քաջածանոթ Վալերի Բրյուսովը։ Վերջինիս բնութագրմամբ՝ Վահան Թեբեյանը հանդիսացավ Մ. Պեշկովսչյանի և Պ. Դուրյանի բանաստեղծության ժանիդական ժառանգորդը, իր ժամանակի բանաստեղծներից ժամենից ավելի բաղմազանն ու բաղմալավալանին՝ և իր ստեղծագործության մի բանի առանձնահատկություններով և ընդգրկած թեմաներով ամենից ավելի մոտեցավ արևելահայ բանաստեղծության զրպարոցին՝ Այդ դպրոցը, որի մասին ակնարկում է Վ. Բրյուսովը, Հովհ. Հովհաննիսյանի, Հովհ. Թումանյանի, Ավ. Իսահակյանի ռեալիստական-դեմոկրատական բանաստեղծության ուղղությունը։

Իր ստեղծագործության ռեալիստական գիծն է, որ ինքը՝ բանաստեղծը բնութագրել է որպես «բոնապարտության դեմ մարտումի և հույսի շրջան», որ մասամբ շարունակվում է նաև նրա բնութագրած երկրորդ շրջանում՝ «հարստերական խաղաղության, բայց և վրդովումի և վերհիշումի շրջանում»։ Այս երկու շրջանում էլ հայ ժողովրդի ճակատագիրն ու նրա ազատագրական պայքարը գտնվում են բանաստեղծի ուշադրության կենտրոնում։ Նա իր բազմաթիվ բանաստեղծություններում հանդես է կալիս ոչ միայն հայ ժողովրդի ծանր վիճակը ողբացողի, այլև այդ վիճակից դուրս գալու ճամփաներ որոնողի դերում։ Ըստ որում նա լավատես է, նա հավատում է մոտակա փրկությանը և այդ փրկությունը չի սպասում զրսից, այլ իրեն՝ հայ ժողովրդի զավակների վրա է դնում իր հույսը.

¹ Լևոն Շանթ, Երկեր, հ. 1, Բնություն, 1946, էջ 353։

² Վ. Թեբեյան, Ես ցավը սիրեցիք, «Կյանք և Գիրք» տարեգիրք, Կապրե, 1948, էջ 7։

³ В. Я. Брюсов, Поэзия Армении и ее единство на протяжении веков, сборник «Поэзия Армении», М., 1916, стр. 85.

Դաշտն՝ հայոց, մեր զոհերուն համար պետք չեն
Ո՛չ դամբարան, ո՛չ այլ ծառեր իբր հովանի...
Հարալեզներ մենք կրչիենք մեր սրտերեն
Ու օր մ՝ ոտքի՝ ամբողջ բանակը կրկանգնի...¹

Երբեմն նա պայքարի կողող բանաստեղծ—մարտիկ է, որ պահանջում է քնարը փոխարինել շեփորով.

Լքված ու լուռ ճամփաներեն, ո՛չ տավիղ
Եվ ո՛չ քրնար ուսեն առկախ, այլ շեփոր
Մը բռնած վեր. Գողթան երգչաց շառավիղ
Մ՝ ահա թերևս, հեղեղներով մարտագոռ
Նդանակ, մ՝ որ կրսարսն ժայռը լերանց՝
Երազարայլ կանցնի երգիչ մը հիմա....
Արի տղան շարունակող հին կովին
Նոր հոգիներ, նոր մարտիկներ կրկանչե,
Ու պիտի տա՝ մինչև իր շունչը վերջին,
Որպեսզի ձայնն ամեն անկյուն թափանցե...²

Սակայն ժողովրդի ցավով տոգորված և նրա ազատությունը երազող բանաստեղծը ծանոթ չէ այն ուղիներին, որ պիտի բերեն ըզձայի փրկությունը։ Նրա կոչերը, որքան էլ լավագույն ցանկություններով համակված լինեն, միայնակ որոնողի ապարդյուն ջանքեր են, որքան էլ նա ըմբոստանա տիրող կացության դեմ՝ «Հերթ որքան դահճին ձեռքերը պագնեք մենք», ինքն իր հերթին թշնամու հանգեպ զգահիճ դառնալուց ցանկություն ունենա, ի վերջո, անխուսափելիորեն պիտի կանգնի դժվարին վիճակի առաջ. գիտակցի իր անզորությունը։ Եվ որքան ավելի է զգում Թեքեյանն իր ջանքերի ապարդյունությունը, կացության անելանելիությունը, այնքան ավելի ցավագնորեն է նա ընկալում իր հակասությունը՝ տարերային ըմբոստության և անել իրականության միջև։ Այդ տարիներին արևմտահայ բանաստեղծության համար բնորոշ է ռեալ իրականություններից փախուստ տալու մի այլ արտահայտություն՝ Հայաստանի հեթանոսական անցյալին դիմելը։ Հեթանոսական անցյալի մեջ էին նրանք որոնում իրենց ոգեշնչման աղբյուրը, կամ «ցեղի» հզորության ու առնականության ոգին։ Դանիել Վարուժանը գրում էր իր «Հեթանոս երգերը», Ռ. Զարգարյանը իր «Բազինի փառաբանությունը», Լ. Եանթը «Հին աստվածները», հրատարակվում էին «Նավասարդ» և «Մեհչյան» հանդեսները։ Այդ նույն ճանապարհն է բռնում նաև Վահան Թեքեյանը։ Նա ևս դիմում է իր ժողովրդի անցյալին, վկայակոչում հայոց պատմությունը, նրա թագավորներին և հերոսներին, նրա հեթանոս աստվածներին։

Պատմության հերոսների մոնումենտալ կերպարներն անհրաժեշտ էին բանաստեղծին՝ նրանց իր ժամանակակիցների անզորությանն ու անճարակությանը հակադրելու համար։ Նա ուզում էր առասպելական կերպարների միջոցով իր ժամանակակիցներին ներշնչել արիություն. հզորություն և խիզախելու ձգտում։ Սակայն դա միայն խորացնում էր բանաստեղծի ողբերգությունը, որովհետև նա ավելի մեծ ուժով էր զգում անցյալի առասպելական այդ մոնումենտալ կերպարների և իր ժամանակակիցների միջև եղած անդունդը։ Անցյալի հզոր հուշարժաններն ավելի ցայտուն էին ընդգծում ժամանակակիցի իրականության և կացության ողբերգությունը։ Եվ փչրված, ճնշված ու հոգնած որոնողն ընկնում է հուսալքության գիրկը.

Տե՛ր, ծերունի պահակն հոգնած է ա՛յլ հիմա
Իր անօգուտ, անուր կոչերը ուղղելեն...
Վարն ամեն ոք կրթրենանա,
Եվ խիստ է ծովն ավելի քան ամեն ատեն...
Հոգիս հոգնած, տե՛ր. կրխնդրե հիմա բենե՝
Որ մեկ շունթդ ալ գի՛նքը զարեն...³

¹ Վ. Թեքեյան, «Հայերգություն», էջ 21:

² Նույն անգում, էջ 23:

³ Նույն տեղում, էջ 173:

Այստեղից սկիզբ է առնում Վահան Թերեյանի վաղ շրջանի ստեղծագործության երկրորդ գիծը՝ անկումայնության և հոռետեսության գիծը, Վահան Թերեյանի ստեղծագործության համար այնքան բնորոշ երկվորյակներ. հոգեկան երկամտությունը իր խորը կներքն է դրել Թերեյանի ստեղծագործության, մտածելակերպի, զգացմունքների. աշխարհայացքի, այլև նրա կյանքի ու գործելակերպի վրա: Արտակարգ զգայունությունը և սուր, խորաթափանց միտքը, հարուստ, երազկոտության հասնող երեակայնությունը և իրականության խորը բմբռնումը, իր ժամանակակիցներից շատերի նկատմամբ տածած անփստահությունը և անհուն հավատն ու սերը՝ դեպի մարդը և նրա ազնվությունը, — այս ամենը հավասարապես զոյակցում էին բանաստեղծի հոգում և նրա ստեղծագործության մեջ, ինչպես և պայքարի ու մարտակոչի երգերը զոյակցում են հոռետեսության ու անկումայնության մոտիվների հետ: Այս վերջինները առավել խորանում են նրա ստեղծագործության մեջ՝ Դրանսիական գրականության, մասնավորապես Վեռլենի ու Բոգլերի ուժեղ ազդեցության տակ:

Արդեն նշեցինք, որ Ֆրանսիական սիմվոլիզմը իր հետևորդներին զբաղում էր ամենից առաջ իր ձևական նորոթյամբ, Սակայն այդ նոր ձևերի հետ (ոռնոց, ոռնոցի, վիլանել և այլն) մուտք էին գործում նաև այդ բանաստեղծությունների տրամադրություններն ու հույզերը՝ միայնակության, մահվան ու կործանումի զգացումները: Այսպես, օրինակ, «Մութին մեջ» ոռնոցում Թերեյանը երազում է, որ իր «կյանքն հալի, տարտղնի մութին մեջ».

Մութին մեջ կուգեմ որ կյանքս անցնի
Երազի մը պես մեղմ ու կարճատև,
Անձայն, անշշուկ, ամենեն զաղտնի
Հայն ճամփուն մեջն քայլով մը թևեմ...1

Կամ սիմվոլիստական բանաստեղծությանը հատուկ են նաև այնպիսի գծեր, երբ խոսքը կորցնում է իր ինքնուրույն նշանակությունը, կերպարները դառնում են անորոշ, մշուշապատ: Ֆրանսիական սիմվոլիզմն իր տրամադրություններով բարենպաստ հող պիտի գտներ բանաստեղծի հոգում՝ հատկապես 1894—1896 թթ. զեպրեբրի կապակցությամբ, երբ սուլթան Համիդի կազմակերպած ցարդերի զոհ դարձավ արևմտաաշայության մի հոծ զանգվածը:

Բներսունչորսն իներսուն և վեց...
Փայլակի նրման
Հրդեհներ անցան
Հայ ծեր հոգիեն.
Ու հոգին շողաց, ու հոգին հեծեց...2

Այդ երկու կարևոր ազդակների ճնշման ներքո է, որ Վահան Թերեյանի ստեղծագործության մեջ մուտք են գործում լացի. թախիծի, մենակության կամ մահվան և անհուսության մոտիվները:

Կանձրեն, տրդա ս... Աշունը թաց է.
Թա ց աշերուն պես խեղճ խաբված սիրուչի...
Հա ց անմեղության արցունքը անդարձ,
Հա ց շրգիտնալով, ինզճ անզետ տրդա՛ս,
Խեղճ որսը կյանքին, ա՛հ լա՛ց, որ մեծնա...3

Մերթ նա երազում է «մենավորիկ և մոռացված» ապրել հեռավոր մի գյուղում, մերթ նա «բանտարկյալն է ձանձրոյթի», մերթ «անդին է գալիս «թաղվատար արվեստի համար»՝ հակաժողովրդական տեսության ցատուզովի դերում»՝ աշխարհի դեմ դոճերը փակած առանձնության աշտարակի անբաժան կերպարով:

Պաշտպանելու համար հոգիս, ա՛յ երբեք
Թույլ չըտալու համար կյանքին այլաց տակ

1 Վահան Թերեյան, Երկեր, Երևան, 1958, էջ 211:

2 Վահան Թերեյան, «Հայերգություն», էջ 103:

3 Վահան Թերեյան, Հատընտիր, Բեյրութ, 1954, էջ 39:

Ամեն օր բիշ մը կորսըվել,— բա՛րձր ու սեզ
 Եւ աշտարակ մը կառուցի, անհատակ
 Մովուն վերն ու երկրներին տակ դաժան...
 Հո՛ն միայնակ հիմա հոգիս կրքնակի,
 Միտքս պահակ՝ իր դիտակն անբաժան
 Եվ աշխարհի զեմ դուրս գո՛ց կրկնակի...1

Թեքեյանի այդ շրջանի գործերի մի կարևոր մասը նվիրված է սիրո զգացումին, սակայն այստեղ ևս անկիրք երազողին, Խոսնույթումը համակված վշտաբեկ հոգուն պետք չեն իրական անբաժան մարմնական ցանկությունները, կիրքն ու հուզումը։ Միտք զգացման մեջ նրան ավելի զբաղեցնողը սիրելու կարոտն է, քան սիրելը, ձգտելու տենչը, քան թե հասնելու զգացումը։

Աղվորն աս է հավիտյան՝ որ անցավ օր մը բովեզ
 Եվ ալվրնե՛րդ օծեց, աստվածային այցելո՛ւ,
 Գնդեցկություն մը՝ որուն ալ չըդարձար նայելու,
 Եվ շուգեցար հանդիպել անոր անդամ մըն ալ գեթ...
 Աղվորն անո՛նք են միայն՝ որ տենչանքիդ ընդմեջեն
 Անցան գացին ու հիմա քեզ հեռուն են կրկնաչեն...2

Այսպիսով փակվում է շրջագիրը։ Միևնույն քանաստեղծի հոգում կարծես համատեղ ու դաշն գոյակցում են երկու իրարամերձ սերնդ՝ Մի կողմում՝ պատրանքին կյանքի ցավը հակադրող, բողոքող, խռովարար, ըմբոստ որոնողն է ու հայրենասերը, մյուս կողմում դաժան իրականություն և առաջ գլուխ խոնարհած, իր ըմբոստ զենքերը ցած դրած, կյանքից մեկուսացած, իր հոգին աշխարհի ու մարդկանց հանդեպ ամուր փակած սիմվոլիստ քանաստեղծը՝ իր մեջ խտացրած գրականության այդ հետադեմ ուղղության բուրքը բնորոշ գծերը՝ անհատապաշտությունը, գեղապաշտությունը, միստիկական երազանքները։

Հոգեկան այս երկաստվածությունից պատճառները պետք է որոնել այն հակասության մեջ, որ գոյություն ունեն քանաստեղծի ապրած ժամանակի կոնկրետ իրականության և նրա մտածողության ու աշխարհայացքի միջև, Հայ ժողովրդի մեջ աճում էր ազատագրական պայքարի ոգին, որն արդեն սեփում էր ղեմակառավարական և սոցիալիստական գաղափարներով, այդ էր, որ մարտնչող շունչ էր տալիս քանաստեղծին, մզում նրան պայքարի և ըմբոստության։ Մյուս կողմից հայ իրականության մեջ ուժեղանում էր բուրժուական նացիոնալիզմը, որը մզում էր քանաստեղծին ղեկի ազատագրական պայքարի ոչ ճիշտ ուղիները և անխուսափելիորեն հանգեցնում պարտության ու հուսալքության։ Այդ հուսալքումը ավելի էր խորանում հայ ժողովրդի արևմուտյան հատվածի կյանքի դաժան պայմաններում։ Ուժեղանում էր քանաստեղծի հոգում նաև բողոքի զգացումը ընդդեմ տիրող սոցիալական անարդարությունների։ Սակայն նրա սահմանափակ աշխարհայացքը չէր կարող ելք գտնել տիրող կացություններից և պետք է ավելի խճողեր նրան հակասությունների հանգույցի մեջ։

«...Երբ արվեստագետը.— ասում է Պլինիոսը.— զատնում է կույր իր ժամանակի կարևորագույն հասարակական հոսանքների նկատմամբ, այն ժամանակ իր ներքին արժեքով շատ ուժեղ չափով իրենում է այն գաղափարների բնույթը, որ նա արտահայտում է իր ստեղծագործություններում... Նրանց կուրությունը հանդեպ այն նոր հոսանքի, որն ուղղված է թարմացնելու ողջ հասարակական կյանքը, դարձնում է նրանց հայացքները սխալ, նեղ, միակողմանի, և իրենցում է որակը այն գաղափարների, որոնք արտահայտված են նրանց երկերում։ Դրա քննական հետևանքը հանդիսացավ Ֆրանսիական ռեալիզմի սենյակների վիճակը, որը կյանքի կոչեց ղեկաղնեղական հակումները և ձգտումը ղեկի միստիկականությունը այն գրողներին մոտ, որոնք իրենք նախապես պատկանել էին ռեալիստական (նատուրալիստական) զարգացման»3։

Այդպես է եղել նաև Վահան Թեքեյանի հետ, որի մոտ այդ ամենին ավելանում էին նաև Ֆրանսիական ղեկաղնեղական գրականությունից փոխ առած պատրաստի գաղափարները, պատկերներն ու տրամադրությունները։

1 Վ. Թեքեյան, Հատընտիր, էջ 77։

2 Նույն տեղում, էջ 131։

3 Գ. Բ. Плеханов, Զգլ, աշխ., էջ 241—242։

Ահա այն ընդհանուր գծերը, որոնք բնորոշ են Վահան Թեքեյանի ստեղծագործության առաջին շրջանի համար, որն ընդգրկում է 1893—1915 թվականները:

3

Վահան Թեքեյանի ստեղծագործության երկրորդ շրջանն ընդգրկում է 1915—1945 թվականները: Ինքը բանաստեղծն այդ ժամանակամիջոցը բաժանել է երկու փուլի և բնութագրել նախ որպես «բայրայման և անզոր մոլուցքի», ապա՝ «սրտամթյան զուգահեռ՝ խանդավառության շրջան»:

Երբ բռնկեց 1914 թվականի առաջին համաշխարհային պատերազմը, ազգայնական մոլուցքով տարված հայ բուրժուական մտավորականությունն այն ընդունեց ցնծագին ողջունով, կարծելով, թե նրա մեջ պիտի գտնի հայկական դատի վերջնական լուծումը: Վահան Թեքեյանը եղավ այն հազվագեպ հայ մտավորականներից մեկը, որը ոչ միայն հեռու մնաց շովինիստական այդ խելագար վայնասունից, այլև իսկական հումանիստ գրողին հատուկ զայրույթով նշավակեց պատերազմը որպես մարդկության ճակատագրի, «սիրո, եղբայրության քաղցր երազի» դեմ մեծագույն ոճի, որ կատարվում էր հանուն «...Օտար շահու, փառքի մը համար»:

Սակայն պատերազմի դեմ բողոքող մարտիկի առնական ձայնը շատ շուտով պետք է վերագտնեն իր վեհերոս և հուսակտուր շեշտը: Այս անգամ առավել սև ու դժին գույներով Հայկական մեծ եղեռնը, որին ականատես եղավ բանաստեղծը, իր ահավոր սարսափներով պիտի երկար ժամանակով նրան զցեր անհույս հոռետեսության գիրկը: Այդ «հարվածը անգութ» պիտի ստրիններ շարունակ նրա բնարը մատներ ողբի և օգնության ճիչեր արձակելու:

Ահավոր բան մը այնտեղ կրկատարվի մոլթին մեջ,

Կսպանեն ազգ մը այնտեղ, որ կյանք ունի և շրնոր՝,

Ունիք հանճարն ապրելու, նորոգելու ալ ինքզինք,

Գնդեցկացրած էր տակավ ու թարմացրած, ա՛հ, ո՛րքան,

Եվ այդ ազգը. մերին էր, և կսպանեն զայն հիմա,

Ճայն կ'սպանեն... օգնություն, ա՛հ, օգնություն, օգնություն...!

Զարհուրելի սպանդն իր կոշմարտյին հետևանքներով խավար ու մռայլ պատկերներ էր թելագրում բանաստեղծին: Նա նորից կանգնում է այն իրականության առաջ, երբ «ամեն երազ բրզբկտած և ամեն հույս փետրաթիթ» է: Իվ ամայացած կյանքը հատնում է նրա առաջ, ինչպես մահ: Մահվան ուրվականը և մահվան շունչն է փչում նրա բանաստեղծության յուրաքանչյուր տողից՝ «Եվ կըթողու մեզ երկրի վրա մեռել՝ կենդանի...»: Անձնատուր լինելով անել հուսահատության, նա նորից հռչակում է ամեն ինչ ապարդյուն ու անհույս. «Զուր է եղեր ամեն բան, ամեն փափագ. ամեն ջանք»: Վահան Թեքեյանի այդ տարիների բանաստեղծությունները մերթ հնչում են որպես թաղման զանգ կամ դամբանական, մերթ որպես անզոր բողոք ընդդեմ աստծո և աշխարհի:

Խեղահեր աշխարհի ժահրոտ երեսին...

Խեղահեր աստուծո ալ ժանտ երեսին...2

Հայկական եղեռնի առաջին մղձավանջային պատկերներին պիտի հաջորդեին դրա անմիջական արդյունք հանդիսացող որրոթյան ծանր երգերը: Վահան Թեքեյանը տարիներ շարունակ զբաղվել է հայ որբերի ճակատագրի հարցով, և բնական է, որ որբանոցային կյանքի տպավորությունները պիտի առատ նյութ մատակարարեին նրա բանաստեղծություններին: Այսպես ծնունդ է առնում հայ որբերի փառ կացությունը բանաստեղծություններին մի ամբողջ շարք՝ «Գեղոն հայ որբին», «Գործի որբերու», «Որբերուն աղոթքը», «Որբ իշխան», «Որբերուն ձեռքերը»:

1 Վ. Թեքեյան, Հայերգություն, էջ 36—37:

2 Նույն տեղում, էջ 34:

Չեռնե՛ր, հազի՛վ թե հիշող չեմ մոռնում ինչ որ մը ասին,
Որ զույգն իրենց կրթածներ երբոր թաթիկ էին գետ,
Տախտակներու վրա չոր, ձեղուններու տակ ցրտին
Հիմա սուտող քովն ըլլի՝ հայ որբերու ո՛րք ձեռքեր...1

Արևմտահայության զանգվածային տեղահանությունը, կոտորածն ու արտորդ ստեղծեցին հայկական սփյուռքը, որ հայրենիքից ու հողից պոկված հայության ծանր գոյավիճակը, աստանդական կյանքը, ձուլվելու վտանգը, տնտեսական դժվարությունները տանում էին ժողովրդը՝ դին դեպի դանդաղ մահույցում։ Հայրենասեր բանաստեղծի սիրտը խոցում է իր ժողովրդի այդ ծանր ճակատագիրը։ «Ես ենք կմեռնենք ամեն օր», ասում է նա։ Այդ զգացումն է, որ ծնունդ է տալիս բանաստեղծությունների՝ «Մութ ժամեր» շարքին։ Բանաստեղծին լուրջ մտահոգություն է պատճառում այն, որ հայ ժողովուրդը տիեզերական է անդունդի մեջ, վերածվել է «փոշի ազդի»։ Ինչ թեմա էլ շոշափի այդ շրջանում Թեքեյանը, այն համակված է խորը հոգևոր տառապանքով։ Ուրախության կամ ոգևորության ոչ մի նշույլ, ոչ մի հույս...

Բայց հիմա քիչ, օ՛հ շատ քիչ, կրնամ այլևս խնդալ,
Հիմա հոգիս ինքնիրմով բլրակաված է այնքան,
Այնքան ցավոտ, վերավոր՝ որ իր ծիծաղն ու ծաղրն այլ,
Էն առաջ գինք կարյունեն և իր վրա կըմբեն...2

Ինչպես նախորդ, այնպես էլ այս շրջանում Թեքեյանը լի է հակասություններով, չի գտնում ճիշտ կողմնորոշում և ելքի նիշտ ճանապարհ, այդ է. որ առավել ևս խորացնում է նրա անհուսությունը։

1921 թվականին, այն ժամանակ երիտասարդ գրող Լևոն Զավեն Սուրմելյանին գրած իր մի նամակում Վահան Թեքեյանը հետևյալ կերպ է բնութագրել իր հոգեվիճակը. «Ես, որ մինչև հիմա բավական քաջությամբ գինվա՛ր՝ կշանայի քեզ այ քաջ պահել, հիմա ինքզինքս չափազանց տկարացած կզգամ հոգով, և ինձի կթվի, թե ոչինչ կա, որ գիտ կարենա զորացնել, և չեմ գիտեր, թե ինչի կրնամ կառչել այսուհետև՝ հիմարության կամ մահվան գառիթափն ի վար չգլտորել չերթալու համար... մթությունը ոչինչ կուտավորե այստեղ»։

Բանաստեղծն իր այդ շրջանի գործերում մերթ փոքրաբար է «աստծո անարդարության» դեմ, մերթ րնկնում է խորը միասնիցիզմի մեջ՝ առանց հայցելով միակ փրկությունը, երբեմն նրա գործերն ընդունում են նացիոնալիստական բնույթ, երբեմն դառնում ընդգծվածորեն կրոնաշարժ, վերագրելով կյուրին ու եկեղեցուն չեղած արժանիքներ մեր ժողովրդի պատմության մեջ։

Որքան էլ հասկանալի են ու բացատրելի բանաստեղծի այդ մոլորությունները, նրա տառաջալի որոնումներն ու դեգերումները, սակայն նրանք մենում են ցավալի վրիպումներ Վահան Թեքեյանի ստեղծագործական կենսագրության մեջ։

Կորացած ու ճգմված կյանքի դուռն հաշվածներից, ամեն ինչից հուսախաբված ու հիասթափված՝ նա երկար ժամանակ չի կարողանում ճշմարիտ աչքերով տեսնել նաև վերածնված Հայաստանի պայծառ իրականությունը, որը հայ ժողովրդի համար փրկության միակ ճանապարհն էր։ 1922 թվականից նրա մեջ այդ ուղղությամբ արդեն առաջացել էր որոշ բնկում, սակայն նա գեղ ուներ լուրջ տառապանքներ ու տարակուսանքներ, որոնց համար արդեն 1933 թվականին հոգեկան մեծ ազնվությամբ, պետք է ներողություն հայցեր իր հայրենիքից։

Ներե՛, որ քեզ ըրի քեզի քիչ մը ասեն,
— Մի՛նչն երեկ—ու գեղ տար չեմ բուրրովին...
Բայց կըխլել շունչդ ինձե՛կ կայծեր արդեն՝
Չբախյա՛ծ հին ու փայլելիք բոցին հաշվին...4

Դեռևս 20-ական թվականների կեսերին, իր ամենահուսահատական տրամադրություններով շրջանում էլ, Սովետական Հայաստանի իրականությունը երբեմն նրան բերում էր ոգու պայծառ

1 Վ. Թեքեյան, Հայերգություն, էջ 86։

2 Վ. Թեքեյան, Հատրնտիր, էջ 58։

3 Վահան Թեքեյանի նամակները Լ. Զ. Սուրմելյանին, Նյու-Յորք, 1930, էջ 48։

4 Վահան Թեքեյան, Հայերգություն, էջ 127։

ոացումներու Այսպես, նույն Ջ. Լ. Սուրմելյանին 1925 թ. ուղարկած իր մի նամակում նա գրում էր. «Պետք է անկեղծորեն ըսեմ ես ալ բեզի՝ թե տեսակ մը Բովյունիստ ալ ես եմ, բոլորովին չեղի նման, միայն սա տարբերությունով. որ զանգվածին օգնելու ուժը կամ պատրաստ է շունիմ ալյան, և իրավունք կուտամ զանգվածին, որ զիս արհամարհեն իմ տկարությունս համար: Բայց իր ճշված ուժեն կպատկառիմ և գիտնալով թե որքան թշվառությունն ու ցավն կազմված է անիկա՝ կսիրեմ զայն: Կիտոր՜իմ, հետո, թե իր թվին մեծություն մեջ համեմատաբար որքան շատ գեղեցկություն կա պահված, և այդ պատճառով ալ՝ գործվանքով և հիացմամբ կնայիմ իր վրա...»¹:

Տեղեկանալով, որ Լևոն Ջ. Սուրմելյանը բանակցություններ է վարում Սովետական Հայաստան տեղափոխվելու համար՝ Վահան Թեքեյանը խանդավառությամբ շտապում է գրել նրան, որ իրեն էլ տանի հետը. «Քեզ Հայաստան կհրավիրե՞ն արդեն: Ի՞նչպես: Ուրեմն կ'երթա՞ս կոր, ե՛րբ: Ու շմոռանաս ըսելու, թե հետո մեկը պիտի առնես նդգպտունեն, որ ոչ որի թշնամի է այնտեղ և ամեն պարագայի մեջ շատ բարեկամ է հայ երկրին ու ժողովրդին»²:

Մի այլ նամակում նա խոսում է Սովետական Հայաստան գնալու և այնտեղ իր աննիթնեթի խանդավառ ծրագրերի մասին. «...միասին կերթանք Հայաստան՝ հոն մեծ. և պոտիկ տղոց մեջ աշխատելու, անոնցմե առնելու և անոնց տալու համար մեր լավագույնը: Իր հոգին վրա, ամենուրեք իրեններուն միայն հանդիպելով՝ մարդ կը հավատա թե իր կրցածին լավագույնն ու մեծագույնը կուտա, և այդ է, որ զիս կը հրապուրեն հիմա»³:

Սովետական Հայաստանի կենսահաստատ իրականությունը եղավ այն ուժը, որ հետագա տարիներին դուրս բերեց Վահան Թեքեյանին նրա հոգեկան անհույս ու անել վիճակից, սփոփեց նրա անհուն վիշտը, պայծառ ու լավատեսական շունչ տվեց նրա ստեղծագործությունը, որովհետև այդ իրականությունը շատ ավելի գերազանց էր նրա սպասածից: Դիմելով իր «Ներկա Հայաստանին»՝ Վահան Թեքեյանը գրում էր.

Ու գոհացա՛վ միտքըս քեզմով, ըսփոփվեցա՛վ,
Ուրախացա՛վ մինչև անգամ. քեզի գիմեց
Ու կրդիմե հիմա՝ ինչպես գանձի՛ մը մեծ...
Տարրե՛ր ես դուն մեր երազեն.—ավելի՛ լավ...
Ավելի լա՛վ, կը՛սեմ, այո՛, անգիղջ, անգուժ...⁴

Հետագա տարիներին Վահան Թեքեյանը Սովետական Հայաստանին նվիրեց բանաստեղծությունների մի ամբողջ շարք. որտեղ խանդավառ կերպով գովաբանեց իր նորոգ հայրենիքը, Ինչպես այդ գործերում, նույնպես և այդ տարիներին գրած նրա բանաստեղծություններում հետք անգամ չկա նախորդ շրջանի հուսալքությունից: Նա արդեն համոզված է նայում իր ժողովրդի ապագային, գիտե, որ այն ամուր և երջանիկ հիմքերի վրա է խառնված:

Վահան Թեքեյանն անցավ XX դարի հայ բուրժուական մտավորականի համար բնորոշ խաբսիստիզմներով, անկումներով ու վերելքով ի մի ճանապարհ: Նա ապրեց ճշմարտության ուղիների ցավագին որոնումներ. խաբսիստիզմ, մոլորվեց, հուսահատվեց, սակայն իր վերածնված սոցիալիստական հայրենիքի անժխտելի պայծառ իրականությունը, ի վերջո բացեց նրա աչքերը, դուրս բերեց նրան ճիշտ ճանապարհ: Նա վստահ կանգնեց իր նորոգ սոցիալիստական հայրենիքի կողքին:

Ապրելով իր ժողովրդի ամենադառն օրերը՝ նա տեսավ նաև նրա վերածնունդը: Բազմատանց բանաստեղծի ծերության տարիները չբռնացան իր ժողովրդի ապագայի պայծառ տեսիլքով:

Հայ ժողովրդի պատմական ճակատագրի և նրա ապագայի հարցը մշտապես եղել է ամեն մի ազնիվ հայ հայրենասերի մտահոգության առարկան: Բաներորդ զարի առաջին տասնամյակներում այն հանդիսացավ մի տեսակ փորձարար իր ժողովրդի վիճակով տառապող ամեն մի հայ մտավորականի համար: Նրանք ցավագնորեն որոնում էին այդ հարցի լուծման ճշմարիտ ուղին, որպեսզի նպատակասլաց կերպով ծառայեցնեն իրենց ուժերը հանուն այդ ժողովրդի ապագա երջանկության: Հայ մտավորականության լավագույն ներկայացուցիչները՝ Հովհ. Թու-

¹ Վահան Թեքեյանի նամակները Լ. Ջ. Սուրմելյանին, էջ 77:

² Նույն տեղում, էջ 78:

³ Նույն տեղում, էջ 81:

⁴ Վահան Թեքեյան, Հայերգություն, էջ 127:

մանյանը, Ալ. Շիրվանզադեն, Ավ. Իսահակյանը և շատ ուրիշներ ժամանակին ճշտեցին իրենց գիրքորոշումը, երկար խարխափումներից հետո, այդ ճշմարտությունը հասավ նաև Վահան Թեքեյանը:

Քանաստեղծի իր ամբողջ էությունը նա ողջունեց՝ ռեուլյուցիոն ռուս ժողովրդին, որը փրկարար գեր խաղաց անցյալում՝ ճնշված ու հալածված շատ ժողովուրդների ճակատագրում: 1944 թ. նա ֆրանսերեն լեզվով գրեց իր նշանավոր գործերից մեկը՝ «*Arménie a la Russie*» — «Հայաստանը Ռուսաստանին» քանաստեղծությունը, որը կարդաց կահիրեում Սովետական Միության դեսպանատանը¹, արժանանալով խանդավառ ընդունելության:

Նայի՛ր, ով Ռուսաստան, զավակներիդ, որ պաշտպանում են բեղ—
Այն եղբայրաշունչ ազգերի հետ, որոնց դու պաշտպանեցիր.
Եվ որոնք բեզանով այսօր իրենք իրենց են պաշտպանում.
Նայի՛ր հինավուրց Հայաստանին, որ քո շնորհիվ
Վերագտել է իր ուժն ու հանճարը՝
Մարտերի մեջ, որ բեղ հետ մղում է նա
Եվ մարտի տար բույսին նայում է քեզ, ով Ռուսաստան,
Եվ մոտից ու հեռվից ասում,— շնորհակալություն:

Դա քանաստեղծի նոր կրեդոն էր՝ հավատո հանգսնակը և միաժամանակ նրա կտակը գալիք հայ սերունդներին:

Արդեն այնուր հասակում նա կատարեց իր կյանքի ամենամեծ սխրագործությունը՝ ստեղծագործություն և բաղաբական հայացքների վճռական շրջադարձը: Դրանով իսկ նա գրավեց պատվավոր տեղ հայ ժողովրդի լավագույն զավակների մեծ պանթեոնում և իր անմահությունը՝ սերունդների սրտում:

ТВОРЧЕСКИЙ ПУТЬ ВАГАНА ТЕКЕЯНА

Р. ГРИГОРЯН

(Р е з ю м е)

В литературе западных армян последнее десятилетие прошлого века ознаменовалось появлением целой плеяды блестящих мастеров слова — Рубена Ворберяна, Вагана Текеяна, Даниела Варужана, Мисака Мецаренца и др. Среди них особое место занимает Ваган Текеян. Творчество Вагана Текеяна прошло сложный, полный противоречий путь развития.

Будучи многими особенностями своего творчества тесно связан с современным ему литературным поколением, Ваган Текеян в дальнейшем пережил очень сложную эволюцию. В литературу он вступил как ярко выраженный представитель декадентского направления в искусстве. Отдавая дань господствующим субъективистско-мистическим литературным течениям, он выразил в своих стихах настроения одиночества, тоски и горечи, безнадежности и обреченности, а иногда — подчеркнутую националистические мотивы. В. Текеян был блестящим мастером изысканной стихотворной формы.

В последние годы своей жизни В. Текеян сумел освободиться от оков декадентской разобщенности с жизнью, стать на реальную, здоровую почву и создать реалистические произведения, в которых были выражены передовые идеи. Сложный и противоречивый творческий путь не помешал В. Текеяну правильно оценить великую роль Октябрьской революции в судьбе армянского народа и стать одним из горячих защитников молодой Армянской Советской Социалистической Республики.

¹ Վ. Թեքեյան, *Երկեր, Երևան, Հայպետհրատ, 1958, էջ 480:*

² Նույն տեղում, էջ 129 (բեղված է թարգմանաբար):